



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ioan. Petri Maffei, Bergomatis, E Societate Iesv,  
Historiarvm Indicarvm Libri XVI.**

**Maffei, Giovanni Pietro**

**Antverpiae, 1605**

Ex Epistola Gasparis Vilelai Ad Societatem Iesv.

**urn:nbn:de:hbz:466:1-11473**

Xauerius in hanc urbem venit, (omnino quintus nunc, vel  
eo etiam amplius, agitur mentis) nulla dies effluxerit, quin  
ab hora matutina ad multam usque noctem vel Bonzi  
vellaici affuerint, varia in omni genere sciscitantes, ut illas  
qui status est Dei: qui locus? oculis cur non cernitur? Qui  
sieri potest ut animorum origo sit, mors nequaquam? Qui  
bus ut satisfiat, magna prudentia ac dexteritate opus est:  
namque, prout res postulat, modò seuerè cum iis agendum,  
modò humiliter ac demissè, in primis autem patientia ne-  
cessaria est. etenim Iaponii, ut sunt ingenio peracuti, & à  
nulla prorsus natione vel sapientia vel dignitate superari  
se putant: aduenas omnes, déprimendi causa, vultu etiam  
manibusque gesticulantes, illudunt. & sanè bona à prauis  
haud male dijudicant: atque ob eam ipsam causam, Bon-  
nios, et si in speciem venerantur; tamē ob dissolutos eorum  
mores, intimis sensibus auersantur. Nūc Regulus nobis cā-  
pum exstruendo Collegio peramplum assignauit. Nobis  
veram sui colendi amandique viam ac rationem Spiritus  
sanctus ostendat, quo ad eam beatitudinem, ad quam su-  
mus conditi, peruenire aliquando possimus. Ex Iapone, ip-  
so die festo diui Michaëlis, 3. Kal. Octobr. 1551.

EX EPISTOLA GASPARIS VILELÆ  
AD SOCIETATEM IESV.

**I**APONICÀ terra, quantum hucusque accepimus, pauper *Besferia*  
est & frigidior Lusitania. regio montosa & uiialis: gens p̄tio ter-  
polita, nec à ratione abhorrés: hordeaceo vescitur pane. *ra Iapo-*  
qui nobiles sunt, iis magnus habetur honos, quorū multi si *nica.*  
rei familiaris premuntur angustia, natos præfocant iniecto  
faucibus pede, mortemque anteferunt egestati. Olei, bury-  
ri, casei, lactis, ouorum, faccari, mellis, aceti valde laborat  
inopia: croco, cinnamomo, pipere prorsus caret. Iam verò  
hordeaceo furfure vruntur pro sale, denique nulla ibi fa-  
lutaria corporibus medicamenta reperiuntur. En vobis,  
fratres carissimi, cuiusmodi regionē tredecim vel quatuor-  
decim petamus, sanè quām alacres D e i benignitate: & si  
magis laborandum sit, multo etiam alacriores futuri, ut  
opera nostra Iaponiorum animæ, fratrum nostrorum, dam-  
nati illius lupi eripiantur è faucibus. Nunç fratres quan-  
do hæc vobis occasio datur: optata perficite, nec vos ullus

*Adhor-*  
*tatio.*

impedit timor, quo minus animabus iis opitulemini, quas Christus Iesvs minimè sibi negligēdas putauit. Concurrite fratres ad has gentes adeò remotas ab agnitione procreatoris sui. Crucis in amplexum venite: strenuis patet militibus campus: vestri conatus erumpant: vestra à mari ad mare transmittat industria. Ad hæc noua sidera contemplanda, ad hæc noua regna accedite, vt ex his ad regnum tollamur æternum cum IESV CHRISTO, Cocino, & Kalen. Maij, 1554.

PETRVS ALCACEVA SOCIE-  
TATI IESV IN LVSITANIAM.

**G**oam veni, vbi commoror in præsentia, ex Iaponie missus. & quoniam arbitrabar, cognito rerum Iaponensium statu, magnam vos lætitiam esse capturos: de iis aliquid cōstitui ad vos scribere: vt, cùm in ea prouincia quanta sit rei bene gerendæ materies, qui motus animalium, quām præstatio incolarum ingenia intellexeris, fratres vestros, qui peregrinantur ibidem, quamquam loci interuallo disiunctos a vobis, spiritu nihilo minus cōiunctos assiduis precationibus esse vobis adiuuandos paretis. Anno à puerpera virgine 1552, 15. Kalen. Maias proficisci tem ex India Franciscum Xauerium, vt in oram Sinarum trajiceret, quod secum è patribus Balthasarem Gagum itemque è fratribus vnū ducebat, secuti ego & frater Duartes à Sylua, vt peteremus Iaponem, Malacam venimus, quæ abest Iencas 700 ab India. Ibi Xauerius, vt ad Sinas postea pergeret, substituit. nobis Iaponem versus 3. Id lumenias proficisci tibus, itineris comes repente, Xauerii insula, Balthasar Gagus accessit. Cùm ad Sinas peruenissimus, peropportune paratam nauim inuenimus: quod eo iucundis nobis accidit, quod ea de re valde solliciti in itinere fueramus. Conscendimus igitur 4. Nonas Auguſti, & duodecimo die ad Iaponem appulimus, inq; Cangoximā insulā, vbi Xauerius versatus anteā fuerat, primo adiutū descēdimus. ibi dierū octo mōra facta, ab Regulo valde benignè tractati, 11. Kal. Octobris perrexiimus ad Bügi regnū, quod appellatur: & decimo septimo die ad urbē Bungū sanè quam aduersa & periculosa nauigatione peruenimus. ibi nobis èdes hospitio datæ sunt iussu regis, quem postridie inuisimus;

Socii Si-  
nas pro-  
fecti.

Bügi re-  
gnū &  
urbis.